

故宮博物院
珍藏
本
刊
集

管

窺

輯

要

共三冊
第三冊



故宮博物院編

海南出版社

故宮珍本叢刊第 408 冊數學·占候

故宮博物院編

管窺輯要

第三冊（共三冊）

海南出版社

管窺輯要
第三冊
PDG

圖書在版編目(CIP)數據

管窺輯要.第3冊/(清)黃鼎撰.－影印本.－海口:海南出版社,2000.10
(故宮珍本叢刊.數學占候之屬/北京故宮博物院主編)

ISBN 7-80645-741-0

I.管… II.黃… III.數學-應用-占候-中國-古代 IV.B992.2
中國版本圖書館 CIP 數據核字(2000)第 65655 號

故宮珍本叢刊第 408 冊

數學·占候

管窺輯要

第三冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:23.75 印數:1-400 冊

ISBN 7-80645-741-0/Z·19

定價:625 元(數學·占候 4 種共 4 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

管窺輯要卷之五十二

六安黃 鼎玉耳父纂定

男九命簡臣

九思視先

九成

桐城方兆及子詒全閱

拾遺

攝提主建節令若移其處即兵起大臣死亡

平道在兩角天門之中道五星日月常貫其中則

管窺輯要 卷之五十二

天下和平故不言掩犯若不由之而行則為臣不

從君命金火為武臣木水土為文臣

庫樓為兵庫中央小星兵也故實則兵勝空則兵

出水水土及流星出入皆為米貴人饑火入為旱

折威主斬戮故五星干犯皆為天子怒臣下懼金

犯火守災在邊將大臣

東西兩咸主防淫佚故有干犯皆為後宮妃嬪亂

因而疾病死黜水土犯又為閹臣死黜

鍵閉主腹胸喉舌之臣星不欲大明明則宮門不

禁亡則天下津梁不通盛明則有內亂月掩則宮

中火災或在宗廟或為天子病或為大臣死或為

喉舌之臣搆亂五星掩犯天子出有殃流星出入

大臣災有口舌亦闕宦死

天市主國中市肆交易垣星明而市中星多則商

賈流通國家殷富反此則人貧國衰木入市門女

主疾有火災火入市門不忠之臣被戮市中火起

大旱五穀不成有赦令五星入市皆為旱勝之災

又為兵起流星入則以五色占之蒼白為萬物貴

管窺輯要 卷之五十二

赤為兵為疫為火災若有使者言兵事

大角天子棟梁流星觸破之兵內合國有急君失

其位

天江主太陰不欲其明明則有大水動搖則大水

出不見則津梁不通月犯為江河溢為大臣死土

犯為天下水溢金犯為水為兵且饑火犯為水且

旱亦為民流亡

建星臨黃道為天之都關月掩犯之為將相死若

歲月相克之日犯之則災及君

哭泣星主哭泣月五星犯之爲國有喪亦爲大臣死若流星出入則大臣有哭泣事

羽林天軍星哭則國兵強動則兵起不見十星已上則天下有兵月入之則大臣用兵死五星入之皆爲將相有爭因而起兵致死流星出入禁兵賞賜起則大軍散無軍在外則兵起亦爲大將出師客星守之則兵大起壘壁陣羽林之北垣移徙則君失位

天廡馬廄驛舍也動搖則驛馬無閑者月犯之驛

管窺輯要

卷之五十二

三

馬死流星出入之天子御馬死色赤黃有進御馬者

離宮天子之別室暗則別室之貴人死土守犯有內亂火守犯宮人死有火災星不見天子失其宮以日辰占遠近

天困星明而黃則國儲實暗則空月五星入犯皆爲旱饑流星入則倉粟出色赤倉庫憂蒼黑人饑黃吉天倉天廩天圉天庾中小星皆欲其多則倉粟實

大陵主天子陵墓月犯之則人死如亂藤火入大早有兵喪木土入饑金入有兵起水入水災皆爲人死流星出入色蒼白天子園林爲水所敗彗犯之天子宗廟絕祀

積尸主死喪不欲星明明則天下多死喪不見則吉

卷舌主口舌天譴在其中明則譴諛得志

天船月入犯之百川溢天下船多若五星入犯水溢船貴滯星出入有大水

管窺輯要

卷之五十二

四

積水主候水災明大則水大山星動而上行則舟船摩天

天關月掩之則大臣死五星入犯大臣爭權關門閉流星出入西夷君死人疾病赤色夷狄大旱大瀾客星犯之上溺下蒙

螣蛇水蟲之長彗星出之雨水不節則大水水蟲爲災萬物不成人饑流亡水道不通天下隔絕流星犯衝之有龍見水蟲受戮魚鹽貴

天犬將軍流星出之兵起大將出有大水入之大

將驚出兵大起抵犯之則外兵來攻將軍有憂星來之所爲兵來之所警出之則兵大起大將行犯之則將死

宗室諸王天子之宗室也月五星入犯宗室王侯有死者流星出入宗室臣有憂

參旗五星犯守爲兵將出邊夷動大臣死流星出入則邊夷自相殘害以日支干占方如辛酉日卽爲西戎相伐且饑

九州爲遠方九土方谷合聚之地又爲水船舶之

管窺輯要

卷之五十二

五

市金火水守犯其處有兵饑以入日占其地流星出入夷狄有災色赤夷狄兵亂

狼星明動則盜賊蜂起太白犯之臣不忠以入日占其分流星出入犯之夷狄將亡

靈臺與門恠同流星出色黃則賢人術士用青黑則賢人術士死入之亦然

進賢流星出入色黃潤則夷狄來朝青黑則掌文者死

扶筐彗星出入將作反

長垣客星入犯夷狄大災

南極老人出黃氣國祚大昌流星色黃白光潤出入之天下豐熟

天皇大帝主御羣靈流星入之君心恍惚煩燥不安出之爲發使之四方

華蓋正則吉不正爲人君信邪彗星出入守之主不治朝

六甲流星彗客干犯之皆爲水旱不時太史職廢陰德星明則天下伐至一曰女主治天下

管窺輯要

卷之五十二

六

天乙光明潤澤天子安月金犯女守之女主大臣殃

天高爲占候陰陽之本月入之太史官有事天矢一星主羽箭野雞掌野外之禽獸鳴則天下

雞盡鳴一曰如夜鳴則凡雞始鳴天狗吠則天下之狗盡嗥

耀主烽火備急刑掌四時改火

斗極列宿暈占

北斗暈不出三十日天下亂七年乃定北極暈

不出三十日臣謀君兵亂七年乃定 女星暈不出五十日皇后亡國內亂三年乃定 胃星暈不出五十日大臣爲亂兵起五年乃定 房星暈不出五十日大臣作亂兵起王走四年乃定 亢星暈不出三十日內兵起魏地三年定 紫星暈不出五十日內兵起趙地三年定 畢星暈幽州兵亂三年定 箕星暈不出九十日內大兵起南方三年定 室星暈兵從宮中起王出走三年小定 軫星暈王入夷狄作賊兵亂五年方定 參星

管窺輯要

卷之五十二

七

暈百日內大兵起秦地亂五年方定

恒星晝見

恒星者經星也三垣二十八舍內外官之有名者皆是也星非一星故繁言之

恒星晝見兵喪俱作不出三年大水洋洋女王爲王一日臣有奸心王不明天下縱橫不可制一日妃后大臣專制諸侯列土稱王 星晝見與日爭光天下有爭帝者 星晝見虹蜺縱橫臣奪主明北斗晝見君亡絕嗣更紀 恒星夜不見天子

失取諸侯亂紀大權下移天下改政

雜星晝見

雜星者恒星與客星俱出莫別其何星也故以晝見爲異

一星晝見天子失道臣逐君君失國亡世 二星

晝見皇后憂兵亡有白衣奸詐在宮中國內兵亂三年臣弑君一日二邦相攻天下流血 三星晝

見不出三十日兵起天子失國公卿大夫皆沒於

夷狄一日有三人爭帝 四星晝見兵來伐王

管窺輯要

卷之五十二

八

出走天下亂亦王侯爲近親所殺 五星晝見君

不君臣不臣父不父子不子夷狄爲天下主 天

星動搖天下民勞恒星關天下大亂 火星盡赤

而無光王失勢國有大喪二日星無光王死亡

客星

客星者非常之星天皇帝之使以告咎罰者也其出也無恒時其居也無定所忽見忽沒或行或止不可推算寓於星辰之間如客故謂之客星爲善爲惡所主不同觀其所出之日所寓之舍以占

何國視其五色以占何祥大抵星大者事大星小者事小守日多者久而禍深守日少者事亟而禍淺行速者應速行遲者應遲色青則爲憂色赤則爲旱爲兵白則爲喪黑則爲水爲病黃則爲土工爲喜有芒角則爲兵戰經曰客星入列宿中外官者各以所出部會官各爲其事近之者爲其謀其下之國皆受其禍以所守之舍爲其期以五氣相賊爲其使云

客星名狀

管窺輯要

卷之五十二

九

一曰周伯大而色黃熒煌然所見之國兵起若有喪天下大饑衆庶流亡人去其鄉 二曰老子明大而色淳白淳淳然所出之國爲善爲惡爲喜爲愁見則兵起主憂宜以救除咎 三曰王蓬絮狀如粉絮色白拂拂然見則兵起有白衣之會其國饑以亡一曰王蓬絮色青熒熒然所見之國風雨不節焦旱物不生五穀不成多蝗蟲 四曰國皇大而色黃白望之有芒角見則兵起有水民饑衆庶多疾人主惡之 五曰溫星白而大狀如風動

搖恒出四隅出東南則天下有兵將軍出野出東北當有千里暴兵來出西南其國有喪兵起大水民饑出西北暴體三千里

隋志所載五客星國皇星與妖星名同而狀異周伯星與瑞星名狀皆同而異古今並存之

東南方有三星出而色白者名曰盜星見之天下多盜賊西南方有三星大星出氣各長三丈名曰種陵見則天下兵起閭閻不曉穀貴十倍東北方有三大星出氣各長三丈名曰女帛見則天下有

管窺輯要

卷之五十二

十

獲西北方有三大星名曰天狗見則天下人相食

瑞星

瑞星者亦客星也五行中和王相喜合之所生也必出有道之國周伯星晉志爲祥隋志爲妖未知其旨今兩存之歸和入瑞氣以其狀言之則星而非氣也故從以入此

瑞星名狀

一名曰景星狀如半月生於晦朔助月爲明一曰德星大而中空或曰三星在赤方氣如青方氣

相連有黃氣在赤方氣中王者德至於天則見

二曰周伯煌煌然所見之國有大昌 三曰含譽

光耀似彗喜則含譽射必有外國來朝者

格澤狀如炎火下大主銳色黃白起地而上見則

不種而穫不有土工必有火客 五曰歸邪如星

非星如雲非雲或曰星南兩赤彗尚向有蓋下連

星見則必有歸國者

李淳風曰景星生於晦朔天門之上或入月二三

日或出月二十七八九日狀如星而中空如魚星

管窺輯要 卷之五十二 土

而行的或青赤白三氣聚如星如半月狀出而不

行必於四時王相日見周伯大而色白如太白光

瑩如月焰地明或有芒角煌煌然不行或如水星

而赤色光潤或黃如橘皆出而不行含譽似彗有

尾而不長亦不甚有光行而明不急格澤如炎火

上黃下白從地而上形如橘千狀如天狗潤澤而

明見則有大客大客者外國之貢使來也

妖星

妖星五形之變氣也各見其方以爲殃以其出之

日占知何國其出也必於無道之邦爲兵饑水

旱爲疫喪爲亂賊各以五色占之凡妖星出之

狀不同爲殃如一其出也不過一年若三年必有

破國屠城其君亡天下亂兵士亂行積尺流血之

事餘殃不盡以爲水旱饑疫之災又曰凡妖星長

大者其災大而期遠短小者其災小而期近三尺

至五尺期百日五尺至一丈期一年一丈至三丈

期三年三丈至五丈期五年五丈至十丈期七年

十丈已上期九年此其大約也審而察之其應不

虛也 管窺輯要 卷之五十二 土

妖星名狀

一曰彗星亦曰帚星本類星末類彗小者數寸長

成竟天見則兵起大水除舊布新彗有五色各以

本情所主天文志曰彗體無光附日而爲光故夕

見則東指晨見則西指在日南北皆隨日光而指

頓挫其芒或長或短光芒及爲災彗星短者爲期

喪長者爲亂兵彗有行者有止者行者事小止者

禍大各在其邦以國分言之彗見久者災深去速

者災淺彗出歷二十八宿留舍出見百日不主三年應之百五十日已上五年應之二百日已上七年應之

赤彗出主有滅亡武密占曰凡彗見赤色者爲臣謀叛破軍流血大臣有以家事坐罪者一曰彗出赤色滅五都蒼彗出王侯叛有被軍殺將蒼彗五

管窺輯要

卷之五十二

主

有兵喪其國滅亡彗星上白下赤所長如矛刃爲兵災彗星東行而西指海中兵起西行而東指義胡入界南行而北指天下人死其半北行而南指天下大水一曰東行而西指吳越兵大起南行而北指得病之國歲大豐東北行而西南指大亂西南行而東北指外兵入北行而南指兵大入西行而東指強臣爲亂乾坤變異占曰彗北行指南有大殃禍起西戎大水東行指西外國人來國中兵起東南行指西北其國大亂子欲謀父位西南行

指東北所指國多病六畜死南行指北天下不安流血在道不有大旱即有大水西行指東塞北兵起入中國一曰女子起兵又曰彗出坎指南大水且大旱出乾指東南國大亂人多病死大兵流血大旱

二星見天下一歲再赦一曰流血滿道三星但出海內男子盡死四彗俱出天子亡四彗相連外指所出之國大昌五彗並出裂土稱王舊國主死國亡兩彗見君臣相伐君弱臣強彗星晝見所臨之

管窺輯要

卷之五十二

古

國爲河彗出四星天下之人逃亡無所兩軍相當而彗見得本者勝隨所指伐之利彗星犯月五星兵喪並起四夷交侵百姓惶惶若有軍必大戰破軍殺將

二曰彗星彗之屬也偏指曰彗芒氣四出曰彗者勃勃然非常惡氣所生內不有大亂則外有大兵天下合謀聞敵不明有所害物晏子曰君若不改彗星將出彗星何懼乎由是言之災甚於彗也春秋運斗樞曰星彗東方將軍謀主李西方羌胡

叛兵入中國字南方天下兵起字北方起兵者霸夷狄內侵

三曰天棊一名覺星本類星未銳長四丈出東北方或西方主奮爭歲星之積流爲天棊天棊出其國凶不可舉事用兵期三月必有破軍拔城天棊見女主用事歲星退而南三月生天棊陽旣變萌亂戰兵行所見大擾兵起

四曰天槍雲狀如馬天槍左右銳長數丈本類星其出不過三月必有破國亂君伏屍其辜天槍出

管窺輯要

卷之五十二

五

西南出而易處長數丈左右銳其黑色見則枯骨藉藉又曰歲星縮而西南不出三月乃生天槍見則大兵喪

五曰天攪雲如牛狀歲星縮西北不出三月乃生天攪本類星未銳長數丈巫咸曰彗出西方長可二丈曰天攪王捕制一曰天攪白小而數動出則其下人相讒石氏曰槍棊攪異狀而同殃殃之不盡爲水旱饑疾一曰天槍主殺伐見則兵起流血六曰蚩尤旗類彗而後面象旗黑色獨見或曰其

色上黃下白雲若直蕞而長或曰狀如旗旛可長二三丈其本星見則王者旗鼓大行征伐四方國有大喪榮惑之精流而爲蚩尤旗主誅逆或曰蚩尤之星出月左方日在丙寅榮惑將出而不出未出三日有赤色之星出月方在其旁出而生蚩尤之星長十餘丈其下有大戰一曰蚩尤主惑亂所見之方兵大起遠不出七年

七曰天衝其狀如人蒼衣黑頭不動見則臣謀主武卒發天子出星贊曰天衝抱相泣帝前血濁零

管窺輯要

卷之五十二

六

暗天下寃一曰天衝主滅位

八曰國皇大赤類南極老人星去地三丈如炬火至內寇其下起兵兵強或曰外內有兵喪一曰國皇見有急兵見東南兵起天下急

九曰昭明象如太白光芒下行大而白無角乍上乍下一曰赤彗分爲昭明滅光以爲起伯起德之徵所起之國兵多亂或曰昭明形如三足几几上有九星一曰昭明太白之氣也一曰西方有星望之去地約六丈白而有光狀類太白察之中赤是

謂西方之野星名曰昭明出則大人凶兵大起昭明下爲天狗所在有大戰郝明日昭明見靈者出巫咸曰西方有星大而白有角月下視名曰昭明十曰司危狀如太白有目或曰大而有尾兩角爲爭爭之徵至擊強兵見則至天下豪傑起天下以不義失國有聲之臣行主德白彗分爲司危狀如太白數動察之而黑見則其下國相殘賊司危出其下起衝不利

十一曰五殘一名五鋒出正東方星之狀類辰星

管窺輯要

卷之五十二

七

去地六七丈或曰蒼彗散爲五殘如辰星出角星表有氣如暈有毛或曰大而赤數動察而青至垂亡爲五分毀敗之徵亦爲備急兵見則主誅政在伯野亂戰有急兵有喪不利衝或曰五殘一本分而爲五期九十日奸兵人亂不禁一曰五殘木之變氣五殘出藩虛天子有急兵或曰五殘大而白一曰大而赤察而中青星表有氣如暈十二曰六賊見出正南南方之星去地可六丈大而黑動有光形如彗五殘六賊出禍合天下逆侵

關樞其下有兵衝不利六賊火之氣也六賊形如彗白色長四十丈太白的精出則天下亂

十三曰獄漢一曰咸漢出正北北方之野星去地可六丈大而赤數動察之中青或曰黑表下有三星縱橫主逐王刺王鎮星之精水之氣也出則陰精橫逆兵起其下又爲喪動則諸侯驚

十四曰旬始出北斗旁如雄雞其怒有青黑色象伏龍或曰怒雞也至爭兵黃彗分爲旬始爲立之

題主亂主招橫見則臣亂兵作諸侯虐期十年羣

管窺輯要

卷之五十二

七

猾橫恣或曰聖人起代出則諸侯雄鳴旬始照其下有滅王玄冥占曰有如雄雞異色赤黃其名曰旬始出則天下有兵其國不寧常於戊巳日視五車天庫中有奇惟曰旬始狀如鳥有喙見則兵起大戰當其首者破亡攻戰不可逆之旬始見天庫中所在兵莫能當以戊巳日視之

十五曰天鋒彗象矛鋒天下縱橫則見一曰天鋒出必有亂臣戮將死於下

十六曰燭星狀如太白其出也不行見則不滅而

滅主星上有三彗上出所成色亂有大盜不成又以五色占之

十七曰蓬星大如二斗氣色白一名王皇又曰王蓬狀如夜火之光多至四五少則一二蓬星在西南長數丈左右兌出而易處星見則不出三年有亂臣戮大旱五穀不收人相食星色白如銀張不過三尺出則有亂臣亡國

十八曰長庚如一匹布著天見則兵大起或曰長庚墜則化為石其下國主亡

管窺輯要

卷之五十二

尤

十九曰四鎮星出四隅去地六丈餘或曰可四丈星大而黑恒夜半時出見十日而兵起其下

二十曰地維藏光出四隅大而赤去地二三丈如

月始出見則其下亂者亡有德者昌四維有星望之去地可四丈赤黃搖頭狀類鎮星是謂中央之

野星名曰地維藏光出東北隅大水出東南隅天下大旱出西南隅兵起出西北隅天下大亂

二十一曰昏冒出西北方中赤外青赤氣環之則天下兵起國易政先起者昌後起者亡高一丈爾

一年十丈亂二年三十丈亂三年

河圖曰歲星之精散為天棓天槍天衝天滑國星蒼彗 熒惑之精散為昭明蚩尤旗司危天攬赤彗 鎮星之精散為五殘獄漢大賁細流昭星旬始繫咎虹蜺黃彗 太白之精散為天杵天掛扶靈大則司姦天狗天殘白彗 辰星之精散為枉矢破女梯樞繞廷滅寶驚理舊祀黑彗

拾遺雜占

天星在角宿中出月左方日在甲寅歲星將出

管窺輯要

卷之五十二

手

而不出其與日合二十日其未出二日必有災雲蒼赤黑三色厭日之光青色之星有兩青衣在其旁出而生天 之星長 丈所指之國

正星變色而青期 年

天星在亢宿中出月左氏日在甲寅歲星將出而不出其與日合三十日其未出三日必有災雲蒼赤黑三色厭日之光青色之星有兩青衣在其旁出而生天 之星長 丈所指之國

法星變色而青期 年

天轅星在氐宿中出月左方日在甲寅歲星將出而不出其與日合四十日其未出四日必有災雲蒼赤黑三色厭日之光青色之星有兩青衣在其旁出而生天轅之星長十丈所指之國有立王亡地令星變色而青期三年

天眞星在房宿中出月左方日在甲寅歲星將出而不出其與日合五十日其未出五日必有災雲蒼赤黑三色厭日之光青色之星有兩青衣在其旁出而生天眞之星長六七尺若六丈所指之國

管窺輯要

卷之五十二

三

亡地殺星變色而青期二年

天荆星在心宿中出月左方日在甲寅歲星將出而不出其與日合六十日其未出六日必有災雲蒼赤黑三色厭日之光青色之星有兩青衣在其旁出而生天荆之星所指之國戰不勝至死國亡伐星變色而青期二年

天根星在尾宿中出月左方日在甲寅歲星將出而不出其與日合七十日其未出七日必有災雲蒼赤黑三色厭日之光青色之星有兩青衣在其

旁出而生天根之星所指之國戰敗亡地危星變色而青期三年

天槍星在箕宿中出月左方日在甲寅歲星將出而不出其與日合八十日其未出八日必有災雲蒼赤黑三色厭日之光青色之星有兩青衣在其旁出而生天槍之星長數丈所指之國受兵破軍應星變色而青期一年

端下星在斗宿中出月左方日在壬寅辰星將出而不出其與日合二十日其未出二日必有災雲

管窺輯要

卷之五十二

三

黑黃青色三物厭日之光黑色之星有兩黑衣在其旁出而生端下之星所指之國兵敗將死正星變色而黑期半年

商若星一名天高在牛宿中出月左方日在壬寅辰星將出而不出其與日合二十五日其未出二日必有災雲黑黃青色三物厭日之光黑色之星有兩黑衣在其旁出而生商若星長三四尺所指之國水兵法星變色而黑期一年

天杵星一日天林在女宿中出月左方日在壬寅

辰星將山不出其與日合三十日其未出三日必有災雲黑黃青色三物厭日之光黑色之星有兩黑衣在其旁出而生天杵星長十七八尺所指之國軍破將死令星變色而黑期三年

天麻星在虛宿中出月左方日在壬寅辰星將山不出其與日合三十日其未出三日必有災雲黑黃青色三物厭日之光黑色之星有兩黑衣在其旁出而生天麻星長七八尺所指之國破亡殺星變色而黑期半年

管窺輯要

卷之五十二

三

天社星一曰天杖在危宿中出月左方日在壬寅辰星將山不出其與日合四十日其未出四日必有災雲黑黃青色三物厭日之光黑色之星有兩黑衣在其旁出而生天社星長十餘丈勾曲所指之國兵主死伐星變色而黑期二年

天機星在室宿中出月左方日在壬寅辰星將山不出其與日合四十五日其未出四日必有災雲黑黃青色三物厭日之光黑色之星有兩黑衣在其旁出而生天機星長五六尺所指之國破亡危

星變色而黑期三年

天英星在壁宿中出月左方日在壬寅辰星將山不出其與日合五十日其未出五日必有災雲黑黃青色三物厭日之光黑色之星有兩黑衣在其旁出而生天英星長十丈所指之國破國亡地應星變色而黑期三年

白萑星在奎宿中出月左方日在庚寅太白將山不出其與日合十日其未出一日必有災雲白赤黑色三物厭日之光白色之星有兩白衣在其旁

管窺輯要

卷之五十二

三

出而生白萑星所指之國亡地至死正星變色而白期一年

軒轅星在婁宿中出月左方日在庚寅太白將山不出其與日合二十日其未出二日必有災雲白赤黑色三物厭日之光白色之星有兩白衣在其旁出而生軒轅星所指之國有大喪水災國亡地星變色而白期一年

膺星一曰樓星在胃宿中出月左方日在庚寅太白將山不出其與日合三十日其未出三日必有

災雲白赤黑色三物厭日之光白色之星有兩白
衣在其旁出而生曆星長十餘丈所指之國內亂
令星變色而白期一年

林若星一曰竹彗在昴宿中出月左方日在庚寅
太白將出不出其與日合四十日其未出四日必
有災雲白赤黑色三物厭日之光白色之星有兩
白衣在其旁出而生林若星長十餘丈所指之國
破亡死喪殺星變色而白期一年

若彗星在畢宿中出月左方日在庚寅太白將出
不出其與日合五十日其未出五日必有災雲白

赤黑色三物厭日之光白色之星有兩白衣在其
旁出而生若彗星長七八尺所指之國內亂亡地
伐星變色而白期三年

彗星在觜宿中出月左方日在庚寅太白將出不
出其與日合六十日其未出六日必有災雲白赤
黑色三物厭日之光白色之星有兩白衣在其旁
出而生彗星長四尺所指之國內亂亡地危星變
色而白期半年

管窺輯要 卷之五十二

圭

若星在參宿中出月左方日在庚寅太白將出不

出其與日合七十日其未出七日必有災雲白赤
黑色三物厭日之光白色之星有兩白衣在其旁
出而生若星所指之國戰大敗應星變色而白期
二年

蚩尤星在井宿中出月左方日在丙寅熒惑將出
不出其與日合三十日其未出三日必有災雲赤
青黃色三物厭日之光赤色之星有兩赤衣在其
旁出而生蚩尤長十丈其下有大戰正星變色而

管窺輯要

卷之五十二

美

赤期二年

星在鬼宿中出月左方日在丙寅熒惑將出
不出其與日合四十日其未出四日必有災雲赤
青黃色三物厭日之光赤色之星有兩赤衣在其
旁出而生 長 丈所指之國 法星

變色而赤期 年

天雀星一曰赤雀在柳宿中出月左方日在丙寅
熒惑將出不出其與日合五十日其未出五日必
有災雲赤青黃色三物厭日之光赤色之星有兩

赤衣在其旁而出生天雀所指之國敗亡令星變色而赤期三年

天惑星在星宿中出月左方日在丙寅熒惑將出不出其與日合六十日其未出六日必有災雲赤青黃色三物厭日之光赤色之星有兩赤衣在其旁出而生天惑之星若四角長三尺其下旱兵起所指國亡殺星變色而赤期年

官張星在張宿中出月左方日在丙寅熒惑將出不出其與日合七十日其未出七日必有災雲赤

管窺輯要

卷之五十二

七

青黃色三物厭日之光赤色之星有兩赤衣在其旁出而生官張星三角而勾所指之國主死伐星變色而赤期一年

晉若星在翼宿中出月左方日在丙寅熒惑將出不出其與日合八十日其未出八日必有災雲赤黃青色三物厭日之光赤色之星有兩赤衣在其旁出而生晉若星所指之國破亡危星變色而赤期三年

天陰星在軫宿中出月左方日在丙寅熒惑將出

不出其與日合九十日其未出九日必有災雲赤黃青色三物厭日之光赤色之星有兩赤衣在其旁出而生天陰星所指之國亡應星變色而赤期三年

所若星一曰荆彗出月左方日在戊寅鎮星將出不出其與日合四十日其未出四日必有災雲黃赤青色三物厭日之光黃色之星有兩黃衣在其旁出而生所若星長五尺所指之國亡正星變色而黃期六年

管窺輯要

卷之五十二

八

天弗星出月左方日在戊寅鎮星將出不出其與日合五十日其未出五日必有災雲黃赤青色三物厭日之光黃色之星有兩黃衣在其旁出而生天弗星所指之國受兵法星變色而黃期三年
天翟星出月左方日在戊寅鎮星將出不出其與日合六十日其未出六日必有災雲黃赤青色三物厭日之光黃色之星有兩黃衣在其旁出而生天翟星四角而勾中央有星長四五尺所指之國戰敗令星變色而黃期二年